

東坡詩註

掃葉山房印行



浙江圖書館



浙江省立
圖書館

登記號
123588

分類號

冊

浙江圖書館



浙江圖書館

蘇東坡詩集注卷第十四



浙江圖書館

蘇東坡詩集注卷第十四

酬和四

和趙景貺春思且懷吳越山水

歲華來無窮老眼久已靜春風如繫馬

天公莊子外篇天道而狀義然

似繫馬而止也

未動意先騁西湖忽破碎

續杜甫登慈恩寺塔詩秦山忽破碎

鳥落

魚動鏡縈城理枯瀆放聞起膠艇願君縈此樂官

事何時竟

清河西湖三閘督君成之天公晉楊濟與傳咸書曰生子癡了官事官事未易了也

思吳信偶

然出處付前定飄然不繫舟乘此無盡興醉翁行

樂處

天公醉翁歐陽永叔也嘗知潁州

艸木皆可敬明朝遊北渚急埽

黃葉徑白酒真到齊

續世說桓温有主簿善別酒謂好者為青州從事青州有齊郡謂酒到臍

紅

裙已放鄭

酒尚有香泉一壺為樂全先生服不作樂也

次韻王滁州見寄

斯人何似似春雨歌舞農夫怨行路君看永叔與

元之〔續〕歐陽永叔王元之並曾知滁州坎軻一生遭口語〔厚〕楊惲與孫會宗書云逆遭變故橫被口語子仁

司馬子長答任少卿書云僕以口語遭遇此禍兩翁當年鬢未絲玉堂揮翰手如

飛〔次公〕唐史陸扈拜中書舍人文思敏速揮翰如飛教得滁人解吟詠〔次公〕劉禹錫詩化得邦人解吟

詠如今縣令亦風流至今里巷嘲輕肥君家聯翩盡御相獨來

坐嘯谿山上笑捐浮利一雞肋多取清名幾熊掌

丈夫自重貴難售兩翁今與青山久後來太守更

風流〔任〕劉禹錫詩風流太守章尚書要伴前人作詩瘦〔續〕李白譏杜甫云借問因何太瘦生總為從前

作詩我倦承明苦求出〔援前〕漢嚴助為會稽太守上賜書曰君厭承明之廬勞侍從之事懷故土出為郡吏

到處遺蹤尋六一〔次公〕歐陽永叔自號六一居士堯祖歐陽公醉翁亭記豐樂亭記菱溪石記曾南豐記醒心亭皆

到處遺蹤尋六一亭記豐樂亭記菱溪石記曾南豐記醒心亭記

其遺迹也憑君試與問瑯琊父公瑯琊滁州山名永叔醉翁亭記所謂望之鬱然而深秀者瑯琊也許

我來遊莫難色

趙景貺以詩求東齋榜銘昨日聞都下寄

酒來戲和韻求分一壺作潤筆也厚隋書鄭譯為隆州刺史

召還賜燕醴泉宮復爵沛國公上柱國上令內史李德林立作詔書高頰戲謂譯曰筆乾譯曰出為方岳杖策言歸不

得一錢何以潤筆上大笑



王孫天麒麟續南史徐陵年數歲家人攜以見沙門寶誌寶誌摩其頂曰天上石麒麟也眸子奧而

徹囊空學愈富屋陋人更傑我老書益放落筆坐

爭掣欲求東齋銘要飲西湖雪長餅分未到小硯

乾欲裂不似淳于髡一石要燭滅援史記滑稽傳齊威王置酒後宮召淳于髡賜

之酒問曰先生能飲幾何而醉對曰臣飲一斗亦醉一石亦醉賜酒大王之前執法在旁御史在後髡恐懼俯伏而飲不過一斗徑醉矣至若杯盤狼

籍堂上燭滅主人留鬢而送客
當此之時鬢心最懼能飲一石

二鮮于君以詩文見寄作詩為謝

我懷元祐初珪璋滿清班維時南隆老

次公南隆閣中也鮮于子駿閣

中奉使獨未還迂叟向我言

續司馬温公自號迂叟

青齊歲方艱

斯人乃福星遣出虛危間

司馬温公謂軾曰子駿福星也東京人困甚且令往彼次公虛危即

青齊分野也南齊書天文志昇明三年四月歲星在虛危徘徊玄枵之野則齊國有福厚為受慶之符

召用既晚矣天

命良復慳一朝失老驥寂莫空帝閑

次公閑馬廐也周禮天子有十二閑

至今清夜夢枕簟有餘潛喜聞二三子

次公指言二鮮于子駿之子也

結髮師閔顏高論已河漢

次公莊子內篇吾驚怖其言若河漢而無極

清詩鳴

珮環

任歐陽永叔詩意淡宜松鶴詩清叩珮環

遙知三日雪積玉埋崧山誰念

此幽桂坐蒙榛與菅

次公退之雪後寄崔丞云殿前諸公鑿裁密豈念幽桂榛與菅

故人在

穎尾

次公穎尾即穎州以在穎水之尾故名其字出左傳

投詩清泠灣

子仁莊子雜篇讓王自投清泠之淵

和陳傳道靈中觀燈

次公陳傳道履常之兄也

新年樂事歎何曾閉閣燒香一病僧未忍便傾澆

別酒且來同看照愁燈穎魚躍處新亭近湖雪消

時畫舫升祗恐尊前無此客

續謝安見桓温既出温顧左右曰頗嘗見我有如此客不

清

詩還有士龍能

次公晉陸雲字士龍機之弟以言履常也

次韻徐仲車

仲車耳聾堯卿仲車名積苦學養母盡力行年四十不婚不仕久之鄉人迫令就舉逮應

入京則以隻輪載母躬自推行葛衫屨行道之人不能辨也登治平四年第未調官母已遂不復仕家居山陽衣食不給及路振通判楚州始為娶妻生子小名路兒云先生嘗言仲車古之獨行人於陵仲子不能過然其詩文則怪而放如玉川子此一反也耳曠甚畫地為字乃始通終日面壁不與人接而四方事無不周知此二反也昔王肅三反而斯人有其

二亦可謂異矣

惡衣惡食詩愈好恰似霜松轉春鳥蒼蠅莫亂遠

雞聲

次公詩曰匪雞則鳴蒼蠅之聲

世上誰如公覺早八年看我走三

州

元豐八年余赴登州元祐四年赴杭州皆見仲車今赴揚州

月自當空水自流人間擾

擾真螻蟻應笑人呼作鬪牛

援晉殷仲堪父嘗患耳聾聞牀下蟻動謂之牛鬪

次韻林子中春日新隄書事見寄

東來寄食似孤雲

次公先生在京師時為翰林承旨不久而出知揚州故云寄食

襆被真成

一宿賓

續晉魏舒為尚書郎欲沙汰郎官舒曰吾即其人也襆被而出

收得玉堂揮翰手却

為淮月弄舟人羨君湖上齋搖碧笑我花時甌有

塵為報年來殺風景

厚李義山雜纂有殺風景之語謂清泉濯足花上曬裨背山起樓燒琴煮鶴對花點

茶松下

連江夢雨不知春

來詩有芍藥春之句揚州近歲率為此會用花十餘萬枝吏緣為奸民極病之

故罷此會

次韻和晁无咎學士相迎

次韻和晁无咎學士相迎

少年獨識晁新城

次公晁新城无咎之父也為新城令

閉門却掃卷旆旌

胸中自有談天口

次公史記鄒衍談天又七略云田駢之辯其口如天人為之語曰田駢天口

坐却

秦軍發墨守

次公工輸班作九攻城之機而墨翟以九守拒之又鄭康成作發公羊出墨守

有子不為

謀置錐

續史記楚優孟曰孫叔敖死子無立錐之地任莊子雜篇堯舜有天下子孫無置錐之地也

虹蜺吞吐

忘寒飢端如太史牛馬走巖徐不敢連尻

續東方朔傳武

帝問朔曰方今公孫丞相兒大夫董仲舒司馬遷之倫先生自視何與比哉朔曰臣觀其吐吻唇連尻脰臣雖不肖尚兼此數子

徘徊未

用疑相待枉尺知君有家戒避人聊復去瀛洲

續唐

太宗命閣立本圖十八學士像藏之書府在選中者天下所慕謂之登瀛洲

伴我真能老淮海

次公以言无咎

為揚州倅也

夢中仇池千仞巖

續先生嘗夢遊仇池見雙石詩

便欲攬我青霞

檐且須還家與婦計

援史記楚王王欲以優孟為相優孟曰請歸與婦計之

我本歸路

連西南

次公杜甫仇池詩曰近接西南境

老來飲酒無人佐獨看紅藥

傾白墮

次公謝朓詩紅藥當階翻蓋紅芍藥也揚州素出此花白墮佳酒也有劉白墮者善造酒因以得名駙父洛陽伽藍記載河東

人劉白墮善釀酒盛暑曝之日中經旬不壞

每到平山憶醉翁懸知他日君思

我

次公平山在揚州永叔自號醉翁慶曆中嘗知揚州先生乃其門人故登平山而憶之无咎則又先生之門人故云

路傍小

兒笑相逢齊歌萬事轉頭空

續樂天詩百年隨手過萬事轉頭空

賴有風

流賢別駕

援晉史庾亮曰別駕舊與刺史別乘同流王化任居刺史之半

猶堪十里卷春風

續杜牧詩春風十里揚州過卷上珠簾總不如

次韻劉景文贈傅曦秀才

窈眇文章宜和寡崢嶸肝肺亦交難未能飛瓦彈

清角

續韓子曰晉平公令師曠鼓清角一奏雲從四方起再奏大風雨隨之裂幃幔破俎豆墮廊瓦

肯便投泥戲

潑寒

厚唐武后末年為潑寒胡戲明皇時因四夷來朝作之張說諫曰四夷請和當節以禮樂示之以兵威乞寒潑胡未聞典故裸身跳

走汨泥揮水盛德
何觀焉帝納之

忽見秋風吹洛水遥知霜葉滿長安

詩成送與劉夫子莫遣孫郎帳下看

續典略曰劉荊州作詩與孫伯符以

示禰正平正平嗤之言欲使孫策帳下兒讀之邪將使張子布見乎

次韻定國見寄

還朝如夢中雙闕眩金碧復穿鷓鷯行

字仁杜詩不息豺虎關空慙鷓

行鷓鷯強寄麋鹿跡勞生苦晝短展轉不能夕默坐數

更鼓流水夜自逆

次公道家曰黃河水逆流此抑運之法也

故人為我謀此志

何由畢越吟知聽否誰念病莊舄

時方請越援史記陳軫曰昔越人莊舄在楚有

頃而病楚王使人察其意之所向聞其越吟知其思越也

次韻奉和錢穆父蔣穎叔王仲至詩四首

見和西湖月下聽琴

謾謾松下風

厚世說云世目李元禮謾謾如勁松下風

藹藹隴上雲

厚退之詩君詩多態度藹藹春

空雲聊將竊比我不堪持寄君

厚陶弘景辭職入山梁武詔不起問山中何所有答曰山中何

所有嶺上多白雲只可自怡悅不堪持贈君

半生寓軒冕一笑當琴尊良辰飲

文字

厚退之詩不解文字飲惟能醉紅裙

晤語無由曛我有鳳鳴枝背作

蛇蚶紋

次公鳳鳴枝琴也琴以桐木為之而鳳棲於桐詩云鳳皇鳴矣于彼高岡梧桐生矣于彼朝陽琴古而漆裂則有蛇蚶紋蛇蚶

出莊子司馬注云謂蛇腹下有齟齬可以行也

月明委靜照心清得奇聞當呼玉

澗手

家有雷琴甚奇古玉澗道人崔閑妙於雅聲當呼使彈

一洗羯鼓昏

厚羯鼓錄唐明皇好羯鼓八音之領

袖諸樂不可方也寧王子汝陽王璣小名花奴時方有奏琴弄未畢上叱去曰速召花奴取羯鼓來為我解穢

請歌南風曲

猶作虞書渾

厚揚子虞夏之書渾渾爾

見和仇池

上窮非想亦非非

厚楞嚴經云如存不存如盡不盡如是一類名非想非非想處

下與風輪

共一癡

次公楞嚴經云覺明空昧相待成搖故有風輪執持世界共一癡言上天下地皆然蓋佛氏謂之界者一癡想所成也子仁白

樂天晨霞詩上自非想頂不及風水輪

翠羽若知牛有角

鍾杜詩孔雀未知牛有角渴飲寒泉遭舐觸又云翠

羽金花

空餅何必井之湄

援前漢陳遵傳揚雄酒箴謂客難法度士譬之於物曰子猶餅矣觀餅之居居井

之湄處高臨深動常近危

還朝暫接鴛鴦翼

厚唐上官儀曰御史供奉赤墀下接武夔龍造羽鴛鴦豈雍州判佐

乎謝病行收麋鹿資記取和詩三益友

次公三益友指言錢蔣王也他

年弭節過仇池

次公弭節暫止旌節也楚辭九歌云夕弭節兮北渚又司馬相如賦云弭節容與

見和玉津園

詳見雙石詩注

承平苑囿雜耕桑六聖臨民計慮長

次公六聖謂太祖太宗真宗仁宗英

宗神宗也

碧水東流還舊派

玉津分蔡河上流復合于下

紫壇南峙表連岡

厚西漢匡衡言甘泉泰畤紫壇八觚宜通象八方五帝壇周環其下

不逢遲日鶯花亂

空想疎

林雪月光千畝何時躬帝籍

續國語宣王即位不籍千畝注籍借也厚禮記月令篇天子正

月擇元辰親耒
躬躬耕帝籍

斜陽寂歷鎖雲莊

見和籍田

竊脂方紀瑞

次公桑扈謂之竊脂詩曰交交桑扈是也左傳昭十七年郊子曰少昊以鳥紀官九扈為九農正杜預注曰扈有九

種而桑扈竊脂其一也

布穀未催耕

任杜子美洗兵馬詩田家望望惜雨乾布穀處處催春種

魚沫依蘋

渚

次公莊子魚相濡以沫

蝸涎上綵楹

厚杜詩鳥啄摧寒木蝸涎蠹畫梁

江湖來夢寐

蓑笠負平生琴裏思歸曲因君一再行

次公司馬相如傳臨邛令進琴

於相如為鼓一再行類師古曰行謂曲引也

次天字韻答岑巖起

一聲清蹕霧開天百辟心莊豈貌虔回顧驚君珠

玉側

續晉王濟見衛玠輒歎曰珠玉在側覺我形穢

同升愧我粃糠前

厚晉書孫綽性通率好譏調嘗

與習鑿齒共行綽在前顧謂曰沙之汰之瓦礫在後習曰簸之揚之糠粃在前徘徊月色留壇影縹緲

松香泛蠟煙

松香泛蠟煙

近制以掾燭
松明易燎盆

莫歎郎潛生白髮

次公後漢張平
子賦尉麗眉而

郎潛兮逮三葉而通武注引漢武故事曰上至郎署見一老郎鬚髮皓白問
何時為郎何其老也對曰臣姓顏名駟以文帝時為郎文帝好文而臣好武
景帝好老而臣尚少陛下好少而臣已老是
以三葉不遇也上感其言擢為會稽都尉

聖朝求舊鄙鳶肩

唐

書岑文本謂所親曰馬周鳶
肩火色騰上必速恐不能久

次秦少游韻贈姚安世

帝城如海欲尋難肯捨漁舟到杏壇

續莊子孔子坐杏
壇之上有魚父下

船而來左手據膝
右手持頤以聽之

剝啄叩君容膝戶

厚陶淵明歸去來辭審容
膝之易安而退之剝啄行

云剝啄啄
有客至門

魏峨笑我切雲冠問羊獨怪初平在

續神仙
傳黃初

平牧羊有道士將至金華山而得道其後兄初起尋初平見道士引至山
與弟語畢問羊何在初平與至山東見白石因叱之石皆起成羊數百頭

牧豕應同德曜看

厚後漢梁鴻家貧而尚節介牧豕於上林苑
中曾遺火延及他舍悉以豕償之後娶孟氏

女名光
字德曜

肯把參同較同異

次公魏伯陽作參同
契皆修煉之秘訣

小窗相對為

研丹

次丹元姚先生韻

浮生知幾何，僅熟一釜羹。那於俛仰間，用此委曲

情自憐，無他腸。

厚西漢衛綰以戲車為郎，文帝以為廉謹實無他腸，以為河間王太傅。

偶亦得

此生

子仁陶淵明詩笑傲乘軒下聊復得此生

懸知當去客

厚陶淵明詩家為逆旅舍我如當去客

中

有不已存

續莊子凡雖已而有不已者存

但恐宿緣重，每為習氣昏。似

聞梅子真，近至吳市門。

援前漢梅福字子真去官歸壽春元始中王莽專政福一朝棄妻子去九江

至今傳以為仙，其後人有見福會稽者，更名姓為吳市門卒云。

未能肩拊洪

續郭璞遊仙詩左揖浮丘袂，右拍洪崖肩。

欲目擊溫

厚莊子溫伯雪子適齊舍於魯，仲尼見之而不言，子路問焉，仲尼曰：若夫人者，目擊而道存焉。

不敢叩

門呼恐作踰垣奔，且令紹介先。

厚史記平原君謂魯仲連曰：勝請為紹介。

徐

以方便論不學，劉更生黃金鑄尚方。

續前漢劉向本名更生，父德治淮南。

獄得枕中鴻寶書更生誦之以為奇因獻之
言黃金可成上今典尚方鑄作不驗下吏
不學房次律身事問

穎陽援酉陽雜俎邢和璞居嵩穎間作穎陽書三篇房瑄問邢終身之事邢言降魄之處非館非寺病起於魚膾而休於龜茲板其後房

公舍閬州紫極宮見有治龜茲板者始憶邢之言有頃刺
史具繪邀瑄瑄悟具以板事白於刺史其夕病繪卒也
王烈亦何

人叔夜未可量獨見神山開遽食石髓香厚神仙傳王烈獨行

太行山忽聞山東北如雷聲烈往視之乃見山破石裂數百丈中有清泥
流出如髓烈取食之因攜歸與嵇叔夜叔夜取視之已成青石矣次公按

仙經云神山五百年輒一開其中石髓出得而服之壽與天地相畢又按晉
書嵇康傳王烈得石髓與康皆疑為石烈歎曰嵇叔夜志趣非常而輒不

遇命
至道尚聽瑩續莊子長梧子曰是黃帝之所聽瑩也而丘也何足以知之麤材終蹶張

厚前漢申屠嘉嘗為材
官蹶張為踏強弩也
先生喜而笑幅巾登我堂次公後漢孔融師事

李膺膺每見融聽其言論
融幅巾奮袖談詞如雲
苦誓指黃壤要言刻青琅次公黃壤墓中

也苦誓指黃壤意在不死也青琅
青玉之書刻青琅意求神仙也
蓬萊在何許弱水空相望

次公蓬萊於書見列子并史記而仙經
曰蓬萊隔弱水三十萬里終不可到
且當從嵇阮聊復數山

王厚文選五君詠注云顏延年領步兵好酒疎誕不能斟酌劉湛言於彭城王出為永嘉太守延年怨憤乃作五君詠述竹林七賢以自喻

山濤王戎由貴

盛遂黜不收 達人友四海曲士守一疆謹勿使形謀

次公列子食於十漿之家而五漿

先饋驚曰內誠不解形謀成光

魚鼈驚 夜光

兒童驚夜光子仁退之贈張籍詩云兒童畏雷電

次韻王晉卿奉詔押高麗燕射

北苑傳呼陞楯郎

次公優旃傳旃哀天雨而陞楯者苦寒以計免之臨櫓大呼曰陞楯郎汝雖長何益幸雨立我

雖短也

東夸初識令君香

厚襄陽記劉季和性愛香主簿張坦曰人名公作俗人不虛也季和曰荀令

君至人家坐席三日香謂我如何坦曰醜婦效顰見者必走公欲吾走耶

天山自可三箭取

續唐書薛仁貴

為鐵勒道行軍總管時九姓眾十餘萬令驍騎求挑戰仁貴發三矢輒殺三人軍中歌曰將軍三箭定天山壯士長歌入漢關九姓遂衰

海國

何勞一葦航宣勸不辭金盃側醉歸爭看玉鞭長

錦囊詩艸勤收拾

厚唐李賀每旦日騎弱馬從小奚奴背古錦囊遇所得投囊中未始先立題然後為詩

莫遣雞林得夜光

莫遣雞林得夜光

續白樂天最工詩雞林行賈售其國相率篇易一金偽者相輒能辨之

丹元子示詩飄飄然有謫仙風氣吳傳正

繼作復次其韻

魯直王希明纂天文圖有丹元子步天歌一卷傳於世蓋星曆之學也

飛仙亦偶然脫命瞬息中惟詩不可擬如寫天日

容夢中哦七言玉丹已入懷一語遭綽虐失身墮

蓬萊蓬萊至今空護短不養才

續退之記夢詩云壯非少者哦七言六字常語一字

難我以指撮白玉丹行且咀嚼行詰盤口前截斷第二句綽虐顧我顏不歡乃知仙人未賢聖護短憑愚激我敬

上界足官

府援退之詩上界真人足官府

謫仙應退休可憐吳與蘇骯髒雪滿

頭

次公後漢趙壹詩伊優北堂上航髒倚門邊

終當却與元丹子笑指東海乘

桴浮

次韻聽上人見寄

前身本同社

次公同社緣陶潛輩與廬山遠師結白蓮社故有此字

宿業獨臨邊一悟

鏡空老

厚高僧傳洛陽香山寺鏡空游錢塘至孤山寺西餒甚因臨流出涕俄有梵僧顧空笑曰頗憶講法華於同德寺乎空莫

測其由僧曰子應為飢人所燒不暇憶故事乃探囊出一棗大如拳許曰吾國所產食之者上智知過去未來事下智止知前生事耳空因啖棗掬

泉飲之枕石而寢頃刻乃悟

始知圓澤賢

續圓澤傳字源居洛惠林寺與僧圓澤游甚密

一日相約游青城峨眉舟至南浦見婦人錦襜負甕而汲者澤望而泣曰吾當為此婦人子孕三歲矣今既見無可逃者後十二年中秋月夜杭州

天竺寺外當與公相見至莫澤已而婦乳後十二年源自洛適吳赴其約聞葛洪川畔有牧童扣牛角而歌乃圓澤也源問澤公健否答曰李公真

信士然俗緣未盡慎勿相近

歸心忘犢佩

援龍遂為渤海太守見民帶持刀劔者曰何為帶牛佩犢

生術

寄羊鞭

續莊子善養生者如牧羊然視其後者而鞭之

不似歐陽子空留六一泉

次公歐陽永叔雖不到杭州而惠勤師思之因所居有甘泉湧出遂名之曰六一泉六一者歐陽公自號六一居士也

次韻王雄州還朝留別

老李威名八十年

次公老李指言李允則也先生作詩在元祐八年逆數八十年則真宗時也景德二年正月真

宗以契丹初和日置中將召福寧議可適用者首選公知雄州御筆置名於紙公在雄凡十四年事見李公傳自景德二年至元祐

宗以契丹初和易置守將召樞宰議可適用者首選公知雄州御筆置名於紙公在雄凡十四年事見李復圭所作李氏家傳自景德二年至元祐八年則八年則八

平氣象還但遣詩人歌杖杜續詩杖杜勞還役也不妨侍女唱

陽關內朝接武知何日次公天子之朝有三曰治朝曰外朝曰燕朝皇帝多御燕朝即內朝者也白

髮羞歸供奉班任杜詩憶昨道遙供奉班厚古詩投老歸來供奉班

詹守攜酒見過用前韻作詩聊復和之

箕踞狂歌老瓦盆續莊子妻死惠子弔之莊子方箕踞鼓盆而歌厚杜子美少年行云莫笑田家老瓦盆燎

毛燔肉似羌渾次公羌渾西方之戎如唐書載吐蕃羌渾犯塞即此也燎毛燔肉蓋其俗然矣傳呼州

市來攜客灑掃漁磯共置尊山下黃童爭看舞江

干白骨已銜恩時詹方議葬暴骨孤雲落日西南望長羨歸

雅自識邨

答周循州

蔬飯藜牀破衲衣掃除習氣不吟詩前生自是盧

行者

次公盧行者即曹溪六祖也
曹溪在韶州蓋用嶺南事

後學過呼韓退之未敢叩

門求夜話時叨送米續晨炊

厚韓信傳亭長
妻晨炊蓐食

知君清俸

難多輟且覓黃精與療饑

續詩泌之洋洋可以療饑
安國抱朴子內篇云黃精一名救窮一名

垂珠服花勝
實服實勝根

次韻惠循二守相會

共惜相從一寸陰

厚淮南子聖人不貴尺璧而重
尺寸之陰以時難得而易失也

酒杯雖淺

意殊深且同月下三人飲莫作天涯萬里心東嶺

近開松菊徑南堂初絕斧斤音知君善頌如張老

續禮記晉獻文子成室張老曰美哉輪焉美哉奐焉
歌於斯哭於斯聚國族於斯君子謂之善頌善禱

猶望攜壺更

一臨

又次韻二守同訪新居二首

數畝蓬蒿古縣陰
曉窗清快夜堂深
也知卜築非

真宅

厚杜甫秋日詠懷詩注平生多病卜築遣懷存白樂天詩亦知官舍非真宅且斷山櫻滿院裁又列子云歸其真宅

聊欲

跣趺看此心

天公楞嚴經云結跣趺坐白樂天酬錢員外詩煩君想我看心座報道心空無可看

聞道攜壺

問奇字

續前漢揚雄傳鉅鹿侯巴嘗從雄學奇字

更宜登木助徽音

次公禮記檀弓篇孔子之故人

曰原壤其母死夫子助之沐柳原壤登木曰久矣余之不託於音也歌曰狸首之班然執女手之卷然

相娛北户江干

頃直下都無地可臨

厚王簡栖頭陀寺碑云飛閣迤邐下臨無地

此生真欲老牆陰
却掃都忘歲月深

續後漢馮衍閉門却掃又晉書葛洪

閉門却掃未嘗交游

拔薤已觀賢守政

援後漢龐參為漢陽太守郡人任常有志節參到乃先候之棠不與

言但以薤一本水一盃置屏前抱孫兒伏户下參思其微旨曰水欲吾清拔薤欲吾擊疆宗抱孫兒當户下欲吾開門恤孤遂歎息而還

折蔬

聊慰故人心

厚陶淵明詩窮巷隔深轍頗回故人車歡然酌春酒折我園中蔬

風流賀監常吳

語

次公賀監謂賀季真也李白詩云風流賀季真杜詩云賀監雅吳語在位常清狂

憔悴鍾儀獨楚音

左

傳成九年晉侯觀於軍府見鍾儀而問之曰鄭人所獻楚囚也使稅之問其族曰冷人也與之琴操南音

治狀兩邦俱第

一穎川歸去肯重臨

厚前漢黃霸為穎川太守治為天下第一徵守京兆尹坐事貶又詔歸穎川治如其前

循守臨行出小鬟復用前韻

學語雛鶯在柳陰臨行呼出翠帷深通家不隔同

年面

二守同年家

得路方知異日心

鍾唐撫言進士會燕曲江崔彖請告假不赴乃以雕轆載妓遊

觀為團司所發崔沆為主罰錄事判之云深慚席帽密映羶車紫陌尋春便隔同年之面青雲得路可知異日之心趁著春衫

游上苑要求國手教新音嶺梅不用催歸騎截鐙

須防舊所臨

循守近為韶倅厚天寶遺事姚元崇初牧荊州三年受代日闔境民吏泣擁馬首遮道不使去所乘之馬鞭鐙民皆

留載

次韻子由贈吳子野先生二絕句

次韻子由贈吳子野先生二絕句

馬跡車輪滿四方若為閉著小茆堂
仙心欲捉左

元放續左慈字元放曹操欲於座上收殺之慈乃却入辟中或見於市者又捕之而市人皆變形與慈同莫知誰是後人逢慈於陽城山

頭因復逐之遂走羊羣莫知所取癡疾還同顧長康援顧愷之字長康世傳愷之有三絕才絕畫絕癡絕

江令蒼苔圍故宅謝家語燕集華堂

次公江令江摠也為陳中書令謝家謝

安之族也劉禹錫金陵五題其一江令宅云南朝詞臣北朝客歸來惟見秦淮碧池臺竹樹三畝餘至今人道江家宅其一烏衣巷云朱雀橋邊野艸花烏衣巷口夕陽斜舊來王謝堂前燕飛入尋常百姓家先生笑說江南事祇有青山遠

建康

次公建康乃晉與陳之所都今之江寧府也

次韻王鬱林

晚塗流落不堪言海上春泥不自翻
漢使節空餘

皓首

續漢書蘇武使匈奴單于欲降之令牧羊海上武持節牧羊節旄盡落

故侯瓜在有顏垣

援漢

書言邵平者故秦東陵侯種瓜於長安東門外

平生多難非天意此去殘年盡主

恩誤辱使君相投拭寧聞老鶴更乘軒續左衛懿公好鶴鶴有乘軒者

和孫叔靜兄弟李端叔唱和

病骨瘦欲折霜顛籥更疎喜聞新國政

次公周禮刑新國用輕典新國

指言建中靖國時也

兼得故人書秉燭真如夢

次公杜詩夜闌更秉燭相對如夢寐

傾

杯不敢餘天涯老兄弟懷抱幾時攄

廣倅蕭大夫借前韻見贈復和答之二首

生還粗勝虞

季長吳志孫權怒虞翻徙交州在南十餘年

早退不如疎

正輔前漢疎廣疎受

父子致仕而歸當時以為榮

垂死初聞道

字仁傳燈錄懶瓚禪師其師請其說法師舉唱百丈門風其師於言下感悟曰

何期垂死得極則事

平生誤信書

次公柳子厚詩信書成自誤經事漸知非

風濤驚半夜疾

病送災餘賴有蕭夫子幽懷得少攄

心聞詩自放筆老語翻疎增我皆疆韻

心閒詩自放筆老語翻疎贈我皆彊韻

次公宋書王筠為文能用強韻

每公宴坐並作詞必妍美知君得異書

續蔡邕入吳得王充論衡常秘玩以為談助自吳還許人稱其才進曰不見異人當

得異書

滔滔沮溺是綽綽孟生餘一笑滄溟側應無憤

可據

次韻鄭介夫二首

一落泥塗迹愈深

次公左傳趙孟謂絳縣老人曰吾子辱在泥塗久矣武之罪也

尺薪如桂

米如金

厚國語蘇秦謂楚王曰楚國之食貴於玉薪貴如桂

長庚到曉空陪月太歲

今年合守心

次公太歲守心豐歲之祥也唐權德輿有頌子仁後漢郎顛順帝時上書其三事畧云考經鈞命訣曰歲星守

心年穀登

相與齧羶持漢節何妨振履出商音

續莊子曾子居衛三月不舉火

十年不製衣曳履而歌商頌聲滿天地若出金石

孤雲倦鳥空來往自要閒飛不

作霖

一生憂患萃殘年心似驚蟄未易眠海上偶來期

汗漫（鱣淮南子盧敖遊乎北海見若士謂曰吾與汗漫期於九垓之外）葦間猶得見夤緣（援莊）

子漁父與孔子既言而去（乃刺船而往夤緣葦間）良醫自要經三折（厚左傳三折肱為良醫）老將

何妨敗兩甄（次公晉書周訪討杜曾將戰設左右甄訪自領中軍令曰一甄敗鳴六鼓自旦至申兩甄皆敗訪聞鼓音乃選精）

收取桑榆種梨棗（續後漢光武降璽書勞馮異曰始雖垂翅回谿終能奮翼通池可謂）

祝君眉壽似增川（援七月詩云以介眉）

次韻韶守狄大夫見贈二首

華髮蕭蕭老遂良（褚河南帖云即日遂良須髮盡白蓋謫長沙時也）一身萍挂海中

央無錢種菜為家業有病安身是藥方才疎正類

孔文舉（續後漢孔融字文舉本傳云融負其高氣志在靖難而才疎意廣迄無成功）癡絕還同顧

長庚萬里歸來空泣血七年供奉殿西郎（厚通英閣在延和殿）

長康萬里歸來空泣血七年供奉殿西郎

厚邇英閣在延和殿

西廊下

森森畫戟擁朱輪

續章蘇州詩云兵衛森畫戟宴寢凝清香

坐詠梁公覺有

神

援梁公狄仁傑也

白傳閒游空誦句

見白樂天吳郡詩石序次公樂天為蘇州時有旬宴詩刻序云

韋在此州歌詩甚多有郡宴詩云兵衛森畫戟宴寢凝清香最為警策今刻此篇於石傳於將來因以余旬宴一章亦附於後也

拾遺

窮老敢論親

見子美寄狄明府詩厚子美贈狄博濟詩云梁公曾孫我姨弟不見十年官濟濟

東海莫

懷疎受意

續前漢疎受不待年而從其叔廣致仕歸於東海

西風幸免庾公塵

援

王導惡庾亮專權每遇西風嘗以扇障面曰元規塵汚人

為公過嶺傳新唱催發寒梅一

信春

次韻韶倅李通直二首

一篇瀧吏可書紳

次公瀧吏退之序其得罪之詩也

莫向長沮更問津

老去常憂伴新鬼

厚左傳夏父弗忌為宗伯尊僖公且明問曰吾見新鬼大故鬼小

歸來且

喜是陳人

次公莊子寓言篇人而無人道此之謂陳人

曾陪令尹蒼顏古又見

郎君白髮新

次公令尹指李倅之父也郎君言李倅也古人於識其父而又識其子則謂為郎君如李義山與令狐綯詩郎

君官貴施行馬

回首天涯一惆悵却登梅嶺望楓宸

次公梅嶺大吏嶺也

楓宸天子之殿庭也

青山祇在古城隅

次公青山指言舒州之山也

萬里歸來卜築初

仁子

按先生與李惟熙帖云偶得生還平生愛龍舒風土欲卜居為終老之計

會見四山朝鶴駕

次公四山亦應是舒

州之山但未詳其名如潛山上有左慈鍊丹處有孔左二真人潭而天柱山尤多異迹則其地為仙居舊矣故云朝鶴駕也

更看三

李跨鯨魚

續杜詩若逢李白騎鯨魚道甫問訊今何如

欲從抱朴傳家學

次公葛洪自號

抱朴子從祖玄吳時學道得仙以其鍊丹秘術授弟子鄭隱而洪乃就隱更學其法焉

應怪中郎得異書待

我丹成馭風去借君瓊珮與霞裾

僕昔為開封幕先公為赤令暇日相與論內外

丹且出其丹示僕今三十年而見君曲江同遊南華宿山水間數日道舊感歎且勸我卜居於舒故詩中皆及之次公退之詩云乞君飛霞珮與我相頡頏

次陽行先

室空惟法喜心定有天游

續維摩經云以法喜為妻厚莊子室無空虛則婦姑勃駭心無天游

則六鑿相攘

摩詰元無病

次公維摩詰言如我此病非真非有

須洹不入流

次公金剛經須陀洹

名為入流而實無所入

苦嫌尋直枉坐待寸田秋

援黃庭經云寸田尺宅可理生

雖未

麒麟閣

續前漢宣帝圖畫功臣博陸侯之屬於麒麟閣也

已逃鸚鵡洲

次公玉泉子云劉允章謂皮日

休曰君何以輕穆判官鸚鵡洲在此即黃祖沉禰衡之所一席為之懼

酒醒風動竹

養源唐李益詩開簾風動竹疑是故

來夢斷月窺樓眾謂元德秀

續唐元德秀字紫芝

自稱陽道州

援唐陽城字亢宗為道州刺史

拔葵終相魯

續史記公儀休相魯歸其家食如而美拔其園葵而棄之

辟穀會

封留

厚前漢張良傳漢封功臣帝欲封良齊三萬戶良曰始臣起下邳與上會留此天授陛下願封留足矣良性多疾即導引不食穀

用舍俱無礙飄然不繫舟

和猶子遲贈孫志舉

軒裳大爐韜陶冶一世從橫落模範誰復甘饑

貧可憐方回癡初不疑嘉賓

續晉郝愔字方回子超字嘉賓桓溫懷不軌超為之謀以愔忠

於王室不令知之及超死愔哭之成疾後見其一箱書乃悉與溫往反密計愔於是大怒曰小子死恨晚矣

頗念懷祖黠瞋

兒與兵姻

厚晉王述字懷祖子坦之為桓溫長史溫欲為子求婚於坦之及還省父而述愛坦之雖長大猶抱置膝上坦之因

言溫意述大怒遽排下曰汝竟癡邪詎可畏溫面而以女妻兵也

失身墮浩渺投老無涯垠

回看十年舊誰似數子真孫郎表獨立霜戟交重

闔深居不汝覲豈問親與鄰連枝皆秀傑英氣推

伯仁

次公伯仁周顛也顛兄弟三人曰顛嵩謨顛為最勝故曰推伯仁

我從海外歸喜及崆

峒春

次公崆峒度州今贛州也

新年得異書

見前次韻李通直詩注

西郭有逸民

楊行先以登真隱訣見借祖可登真隱訣梁貞白先生所述

小孫又過我歡若平生親清

詩五百言句向皆絕倫養火雖未伏要是丹砂眼

詩五百言句句皆絕倫養火雖未伏要是丹砂銀

善權按古高子丹砂行伏丹訣丹砂五兩結汞為砂子養火七日為玉笋銷之為銀又大銅鍊真寶經曰將丹砂修煉伏火後鼓成白銀名之為一返也將白銀化出砂令伏火鼓之乃成黃銀名之為二返也我家六男子次公六男子謂邁樸迨過遲遠也

學非時新詩詞各璀璨老語徒周諄子仁左傳言趙孟年未五十而諄諄

馬如八九十者願言敦宿好永與竹林均六子豈可忘從我

屢厄陳



用前韻再和霍大夫前和楊行先韻

文字先生飲謂劉執中江山清獻游次公清獻趙悅道也劉趙二公皆知虔州典刑

傳父老尊俎繼風流度嶺逢梅雨任周處風土記云夏至前雨名黃梅雨露衣服

皆敗黜又埤雅云今江湘二浙四五月間梅欲黃落則水潤土溽柱礎皆汗蒸鬱成雨謂之梅雨還家指麥秋次公

禮記月令孟夏之月麥秋至蔡邕月令章句云百谷各以初生為春熟為秋故麥以孟夏為秋也今云指麥秋則言四月末也自慚鴻

鴈侶爭集稻梁洲次公廣絕文論分鴈鷺之稻梁又庾信詠鴈詩稻梁俱可戀飛去復飛還 楚閣橫

雙練次公章貢二水也 城堅聳百樓字仁後漢公孫瓚云兵法百樓不攻 行看鳳尾

詔厚紀聞譚晉元帝踐祚凡諸侯牋奏批之曰諾而艸書若字之尾如鳳形故謂之鳳尾詔焉 却下虎頭州次公

虎頭州以言常州蓋虎頭顧愷之也愷之晉陵無錫人無錫乃今常州蓋其時先生乞居常州也先生有田在常州祖可杜陵集皮陸詩君批鳳尾

詔我住虎頭巖 君意已吳越我行無去留歸途應食粥乞米

使君舟續顏魯公乞米於李大夫云抽於生事舉家食粥而已數月今又罄乏實用憂煎見法帖中須溪虎頭謂虔州而注指常州觀

詩信注豈不謬哉

用前韻再和許朝奉

高門元世舊客路晚追游清絕聞詩語疏通豈法

流續漢藝文志法家者流 傳家有衣鉢次公禪家相傳法謂之傳衣鉢唐狀元以下往謝主司其有與主司同科

名者謂之謝衣鉢出唐撫言今指言其家傳之學耳 斷獄盡春秋次公如雋不疑斷庾太子事是也字仁前漢五行志

上使呂步野治滄南嶽以避厄陪車馬尋共謝朓洲續謝朓

上使呂步舒治淮南獄以春秋誼斷於外不請

邂逅陪車馬尋芳謝朓洲

續謝朓詩有曰

芳洲採杜若

淒涼望鄉國得句仲宣樓

厚魏王粲字仲宣作登樓賦次公梁元帝詩云朝出

屠羊縣夕返仲宣樓凡詩四句以第一句對第三句以第二句對第四句謂之扇對蓋出於白氏金針云然至梅聖俞作續金針乃引前人詩有云昔時花下留連飲暖日天桃鶯亂啼今日江邊容易別淡煙衰艸馬頻嘶以證其格今此兩聯即其格矣

恨賦投湘水

悲歌祀柳州

厚柳子厚謫柳州死為羅池神韓退之為作廟碑又作迎享送神詩遺柳民俾歌以祀焉

何如五

字律相與一尊留更約登塵外

次公塵外亭名虔州勝景也

歸時月

滿舟

子仁傳燈錄慧禪師唱曰夜靜水寒魚不食滿船空載月明歸

用前韻再和孫志舉

人眾者勝天天定亦勝人

續申包胥謂伍子胥曰人眾者勝天天定者亦勝人

鄧通

豈不富

厚文帝使善相人者相鄧通曰當貧餓死上曰能富通者在

鄧通

解安得貧

續漢武徙豪右茂陵郭解貧不中徙吏恐不敢不徙衛將軍為言郭解家貧不中徙上曰郭解布衣權至使將軍此

家不

驚飛賀厦燕

援淮南子湯沐具而鸞蟲相弔大厦成而燕雀來賀

走散入幕賓

元吉

晉書桓温懷不軌郗超為之謀謝安與王坦之嘗詣温論事温令超帳中臥聽之風動帳開安笑曰郗生可謂入幕之賓矣

醉眠中

山酒

次公博物志劉玄石曾於中山酒家沽酒酒家與千日酒飲之至家大醉其家不知以為死葬之後酒家計日往視之云已葬於是

開棺醉始醒也

結夢南柯姻

續唐淳于棼夢入槐安國尚公主為南柯太守及覺乃槐樹下蟻穴南枝也

寵辱

能幾何悲歡浩無垠回視人間世了無一事真灑

掃古玉局

徽夫二十四化記玉局化者在益州城南門內漢桓帝永壽元年正月七日太上老君降於鶴鳴山與大師同來演

法於此時地上忽湧出玉局玉牀方廣五丈老君升牀坐重述道要其後玉局尋陷入地中因成洞宮其徑莫窮

香火通帝

闡我室思無邪我堂德有鄰所至無鄉里事賢友

其仁之子富經術蔚如井大春

厚東漢井丹字大春深於儒術人語曰五經紛綸井

春蜿蟺楚南極淑氣生此民

次公韓退之送廖道士序彬之為州又當中州清淑之氣蜿蟺

扶輿磅礴而鬱積意必有魁奇忠信材德之民生其間也

唱高和自寡非我誰當親譬

彼解谷竹前歲詩令公論論前漢律曆志黃帝使伶倫取解谷之

彼嶰谷竹翦裁待伶倫

續前漢律曆志黃帝使伶倫取嶰谷之竹斷兩節間而吹之以為黃鍾之宮

俗學吁可鄙紙繒配芻銀

次公以紙為繒以芻為銀言俗學之無實

聊將調癡

鬼亦復爭華新願子事篤實浮言掃謔諄

次公謔音占病而狂

言曰謔字出素問

窮通付造物得喪理本均期子如太倉會

當發陳陳

續前漢食貨志太倉之粟陳陳相因紅腐而不可食

崔文學甲攜文見過蕭然有出塵之姿問

之則孫介夫之甥也故復用前韻賦一篇

示志舉

象服盛簪珥豈是邢夫人

邢夫人事見第四卷芙蓉城詩

敝衣破冠履

可憐范叔貧

厚史記范睢既相秦號曰張祿而魏不知也魏使須賈於秦范睢聞之為微行弊衣間步之邸見須賈須賈見

之而驚曰范叔一寒如此哉乃取一綈袍賜之

君看崔員外晚就觀國賓

次公杜詩甫昔少年

日早充觀國賓當年頗赫赫翁嫗爭為姻見退之贈崔員外詩交公退之寄崔立之詩曰連年

收科第若摘領下髭又曰老婦願嫁女不約論財資老翁不量分累月答其兒蹭蹬阻風水橫斜挂邊

垠青衫映白髮今似梅子真道存百無害甘守吳

市閨續梅福字子真變姓名為吳市門卒自言總角歲援詩總角中兮慈母為擇鄰

厚列女傳孟母三遷為子軻擇鄰邦人驚似舅次公宋書桓玄聞義軍起大懼曰劉裕一世之雄何無忌劉牢之外甥酷似

其舅共舉大事何為無成矯矯惡不仁詩文非他師家法乃富春

豈非空同秀次公空同處州山名為國產雋民挺然齊魯生近

出姬姜親次公齊魯生依旁叔孫通傳云齊魯諸生也左傳有云雖有姬姜無棄顛頤為文不在多

一頌了伯倫續晉劉伶字伯倫平生唯作酒德頌一篇而已清詩要淘煉乃得鉛

中銀天祐寶藏論云銀有一十七件惟有至藥銀山澤銀艸砂銀母砂銀黑鉛銀是餘皆非自我遷嶺外七

見槐火新次公言七見清明也蓋清明取火於榆槐而句法則杜甫九鑽巴啜火之意也下朋按年譜紹聖元年甲戌先生自

元祐九年... 四年再與... 七年... 絕筆... 於... 之... 句...

定州貶惠州四年再貶儋耳明年改元符至三年乃量移廉州凡七年

著書已絕筆

續孔子作春秋絕筆於獲麟之句

一嘿含千諄蕢桴如葦籥

厚禮記蕢桴土鼓葦籥伊耆氏之樂也

天節非

人均

次公天節自然之樂也人均人為之樂也字出樂志

時時自娛嬉豈為俗子陳

次韻江晦叔二首

人老家何在龍眠雨未驚酒船回太白穉子候淵

明幸與登仙郭

續郭林宗與李膺同舟人望之以為神仙焉

同依坐嘯成

續成瑨為南陽

太守以事委岑暉郡人謠曰南陽太守岑公孝弘農成瑨但坐嘯

小樓看月上劇飲到參橫

次公

杜詩城擁朝來塔天橫醉後參

鐘鼓江南岸歸來夢自驚

次公煙花錄陳後主詩午醉醒來晚無人夢自驚

浮雲

世事改孤月此心明雨已傾盆落

次公杜詩白帝城下雨翻盆

詩仍

翻水成

續退之詩文如翻水成

二江爭送客木杪看橋橫

次韻江晦叔兼呈器之

師川劉安世字器之終於寶文閣待制學者號曰元

城先生

橫空初不跨鵬鰲但覺胡牀步步高

器之言嘗夢飛自覺身與坐牀皆起

空一枕晝眠春有夢扁舟夜渡海無濤

次公先生渡江北還以三更發瓊州

晚到過角場

歸來又見顛茶陸

往在錢塘嘗語晦叔陸羽茶顛君亦然

多病仍逢止

酒陶

陶淵明有止酒詩器之少時飲量無敵今不復飲矣龜父元城先生語錄云某初到南方有一高僧教某南方地熱而酒性亦熱今

嶺南煙瘴之地更加以酒必大發疾故某過嶺即合家斷酒雖徧歷水土惡弱他人必死之地某合家十口皆無恙今北歸已十年矣無一患瘴者此其也 効笑說南荒底處所祇今榕葉下庭臯

次韻郭功甫二首

子仁功甫觀先生畫雪雀有感作詩寄惠州云平生才力信瑰奇今在窮

荒豈易歸正似雪林枝上畫羽翰雖好不能飛後先生北歸又用前韻寄詩云秋霜春雨不同時萬里今從海外歸

已出網羅毛羽在却尋雲跡帖天飛今次其韻也

早知臭腐即神奇海北天南總是歸九萬里風安

早知臭腐即神奇海北天南總是歸九萬里風安
稅駕雲鵬今悔不卑飛

可憐倦鳥不知時空羨騎鯨得所歸玉局西南天

一角字翬按年譜元符三年庚辰自儋移廉又移居永提舉成都玉局觀又見前和孫志舉詩注萬人沙苑看

孤飛次公廣異記益州觀道士徐佐卿化鶴孤飛游於沙苑

次韻法芝舉舊詩一首

春來何處不歸鴻次公建中靖國之初皆起諸公之廢者先生又得請歸常州此詩蓋以興也非復

羸牛躅舊蹤次公先生舊有詩與法芝云團團如磨牛步少躅陳跡故今云非復如牛也但願老師

真似月次公先生與法芝又云老芝如雲月炯炯時一出故今再云爾誰家甕裏不相逢

次韻荆門張都官維見和惠泉詩

楚人少井飲地氣常不洩蓄之為惠泉溢若有所

折泉源本無情豈問濁與澈貪愚彼二水終古恥

莫雪

子仁吳隱之酌貪泉柳子厚居愚溪

只應所處然遂使語異月泉旁

地平衍泉上山嵒嶮君子謹所居此義安可闕古
人貴言贈敢用况高節不爲冬霜乾肯畏夏日烈
泠泠但不足海遠要當徹

次韻和子由聞余善射

中朝鸞鷲自振振豈信邊隅事執鼗共怪書生能
破的亦如驍將解論文穿楊自笑非猿臂射隼長
思逐馬軍觀汝長身最堪學定如髯羽便超羣

和林子中待制

兩翁留滯各皤然人笑迂疎老更堅共把鴟夷一

尊酒相逢卯色五湖天工邊覽愛帝莊白海二

尊酒相逢卯色五湖天江邊遺愛啼斑白海上先
聲入管絃早晚淵明賦歸去浩歌長嘯老斜川

續淵

明有歸去來辭

又有游斜川詩

次韻馬元賓

流落江湖萬里歸相逢自慰已差池初聞好句驚
人倒悔過東庭識面遲握手寧知無賀監結交誰
定許袁絲塞鴻正欲摩天去垂老追攀豈所期

次韻答李端叔

若人如馬亦如班笑履壺頭出玉關

續馬援征五溪蠻進營壺頭班超既

立功西域上書願生入玉門關

已入西羌渡沙磧又來東海看濤山識

君小異千人裏慰我長思十載間西省鄰居時邂

迺相逢有味是偷閒

和晁美叔

反觀皆自直相詆競誰諛事過始堪笑夢中今了

無珍材尚空谷疲馬正長途次公珍材空谷以况美叔在閑郡疲馬自謂也未識

造物意茫然同一爐

和穆父新涼



家居妻兒號出仕猿鶴怨續韓退之進學解冬煖而兒號寒年登而妻啼飢孔稚圭北山移文

蕙帳空兮夜鶴怨山人去兮曉猿驚未能逐什一安能搏九萬續楊惲書糴賤販貴逐什一之

利莊子鵬之徙於南溟也搏扶搖羊角而上者九萬里常恐樗櫟身坐纏冠蓋蔓受知

如債負粗報乃焚券但知眠牛衣定免刺虎圈清

風來既雨新稻香可飯紫蟹應已肥白酒誰能勸

君今崔蔡手政比趙張健

蘇韓退之云柳子厚文雄深雅健似司馬子長崔蔡不足多言崔瑗

蔡邕也張敞趙廣漢俱尹京兆有能名長安語曰前有趙張後有三王

三公行可致一語先自獻

幸推江湖心適我魚鳥願

孫莘老寄墨四首

徂徠無老松

次公詩徂徠之松新甫之柏徂徠山在兗州

易水無良工

次公墨譜云昔祖氏本易

定人唐時墨官也今墨之工必假其姓而號之大約易水者為上堯卿李廷珪易水人也欽夫遜齋閑覽云唐末墨工李超與其子廷珪自易水渡江遷於歙州庭珪之弟庭寬之子承晏承晏之子文用皆能世其業

惟潘翁

潘谷作墨雜用高麗煤

魚胞熟萬杵

師造墨法有使鯉魚胞者

犀角蟠雙

龍墨成不敢用進入蓬萊宮蓬萊春晝永玉殿明

房櫳金牋灑飛白

堯卿仁宗皇帝尤精飛白堯祖韋續字源云飛白書者蔡邕待詔見門下史用堊帚因成

字所瑞霧縈長虹遙憐醉常侍一笑開天容

續唐太宗作飛白字賜羣

臣或乘醉爭取於帝前散騎常侍劉洎登御床引
手得之帝笑曰昔聞婕妤辭輦今見常侍登床

谿石琢馬肝

厚漢武帝時外國獻馬肝石次公瑞州深溪之石其
色紫如馬肝者為上堯卿漢武帝元鼎五年郵支國

貢馬肝石百斤常以水銀養內於金函中金泥封其上其國人長四尺惟
餌馬肝石此石半青半白如馬肝碎之以和九轉丹吞之一粒則彌年不
飢以之拭髮白者皆黑帝嘗坐羣臣於甘泉殿有髮白者以此拭之應手
皆黑是時公卿語曰不願作方伯惟願拭肝石此石酷烈不雜丹砂惟可
近髮然亦可作硯故此句用之湏溪有
九轉丹何必肝石又但不飢耳註謬

剡藤開玉板

次公剡溪之藤
為紙最妙唐舒

元輿有悲剡藤文以世為文字者多而費紙故悲藤之殘書也玉板則紙
色也今成都浣花溪造一種紙光滑亦以為名養源志林云李獻之遺余
天台玉板紙殆未見又云池歛精白玉板
乃可試墨若於此紙上墨無所不黑矣

噓噓雲霧出奕奕龍

蛇綰此中有何好秀色紛滿眼故人歸天祿

厚漢諸
儒校書

天祿閣師川漢宮殿疏云天祿
麒麟閣蕭何造以藏祕書處

古漆窺蠹簡

援漢杜林於西州得漆
書古文尚書卷常寶藏

諭糜給尚方

續漢尚書令僕丞郎月給諭糜墨
大小二枚尚方則官名乃給墨之所

老手擅編剡

援退之詩亦
可詔編剡

分餘幸見及流落一歎赧

我貧如飢鼠長夜空齧齧瓦池研竈煤葦管書柿

葉厚唐鄭虔好書常苦無紙慈恩寺貯柿葉數屋度日取肄書歲久殆遍近者唐夫子遠致烏

玉玦唐林夫寄張遇墨半丸次公半環曰玦先生又繼之圭璧爛箱篋次公周禮

方曰圭圓曰璧皆以比墨之形狀也 晴窗洗硯坐蛇蚓稍蟠結續唐太宗論蕭子雲書行行若

紫春蚓字字如綰秋蛇 便有好事人次公前漢揚雄贊時有好事者載酒肴從雄學敲門求醉

帖續張旭醉以指頭濡墨州書

吾窮本坐詩次公先生以詩被勸今有詩案行於世久服朋友戒五年江

湖上次公以言在黃州凡五年也閉口洗殘債今年復稍稍次公退之食蝦蟇詩

余初不下痰近亦能稍稍快癢如爬疥次公杜牧詩杜詩韓筆愁來讀似倩麻姑癢處爬先生不譏

訶又復寄詩械幽光發奇思點點出荒怪詩成自

一笑故疾逢蝦蟹

歐陽季默以油煙墨二丸見餉各長寸許
戲作小詩

書窗拾輕煤佛帳埽餘馥辛勤破千夜收此一寸

玉癡人畏老死腐朽同艸木厚後漢朱穆崇厚論曰彼與艸木俱朽此與金石相傾

欲將東山松涅盡南山竹次公漢書朱安世云南山之竹不足受我辭也墨堅人

苦脆未用歎不足次公先生嘗云非人磨墨墨將磨人且當注蟲魚續韓詩爾雅注

莫草三千牘按史記東方朔初入長安至公車上書凡用三千奏牘

明日復以大魚為饋重二十斤且求詩故

復戲之

漢庭九尺人誰似老方朔續東方朔上書曰臣年二十二長九尺三寸勇若孟賁捷若慶忌那

將一寸金令足三冬學厚朔上書又曰臣朔年二十學三冬文史足用餉魚欲自

虫蝨魚定非石拓落人

泚

先公言季默欲以二十斤...

洗

次公言季默欲以二十斤之大魚洗其寸墨之儉耳

鱗尾光卓犖我是騎鯨手

稷杜詩若逢李

白騎鯨魚道甫問訊今何如

聊堪充鹿角

厚鹿角小魚也

謝宋漢傑送李承晏墨

老松燒盡結輕花妙法來從北李家翠色冷光何

所似牆東鬢髮墮寒鴉

暖宋玉言牆東之女子詩鬢髮如雲言烏黑也

和錢安道寄惠建茶

敬夫遜齋閒覽云建安茶為天下第一

我官於南今幾時嘗盡溪茶與山茗胸中似記故人面口不能言心自省為君細說我未暇試評其略差可聽建溪所產雖不同一天與君子性森然可愛不可慢骨清肉膩和且正雪花雨脚何足道啜過始知真味永縱復苦硬終可錄汲黯少戇

寬饒猛

續漢武帝曰吾欲云云汲黯對曰陛下內多欲而外施仁義上怒變色退謂人曰甚矣汲黯之戇也蓋寬饒為司隸校尉好言

事犯上意終以自剄次公鄭昌訟寬饒有曰山有猛獸藜藿為之不採予仁雪花兩脚謂茶也見駢珠集

艸茶無賴空有

名高者妖邪次頑曠體輕雖復強浮汎性滯偏工

嘔酸冷其間絕品豈不佳張禹縱賢非骨鯁

厚張禹罷相家

居永始元延之間日食地震尤數吏民多上書言災異之應譏王氏所致成帝以示禹禹曰春秋日食地震或為諸侯相殺或夸狄侵中國新學小

生亂道誤人宜無信用上由此不疑王氏子仁張禹贊曰禹以儒宗居相位其醞藉可也然持祿保位被阿諛之譏 葵花玉鞞不

易致道路幽嶮隔雲嶺誰知使者來自西開緘磊

落收百餅

續盧全謝孟諫議茶歌開緘苑見諫議面手閱月團三百片

嗅香嚼味本非別

透紙自覺光炯炯牝糠團鳳友小龍

續茶品莫貴於龍鳳謂之團茶凡八

餅重一斤慶曆中蔡君謨為福建轉運使始造小片龍茶以進其品精絕謂之小團凡二十片重一斤

奴隸日注臣雙

井 厚艸茶盛於兩浙兩浙之品日注為第一自景祐以來洪州雙井白芽漸盛近歲制作尤精其品遠出日注之上遂為艸茶第一

收

藏愛昔時生客不敢向裏贊

藏愛惜待佳客不敢包裹鑽權倖

次公漢書商鞅挾三術以鑽孝公

此

詩有味君勿傳空使時人怒生癭

援三國志賈逵為弘農太守與典農校尉爭公

事不得理發憤生癭次公按詩案言此詩皆以譏世之小人乍得權用不知上下之分妖邪頑獷體輕性滯皆陰斥之

和蔣夔寄茶

我生百事常隨緣四方水陸無不便扁舟渡江適

吳越三年飲食窮芳鮮金齏玉鱠飯炊雪

次公隋唐嘉話云吳

都獻松江鱸魚膾場帝曰所謂金齏玉鱠東南之佳味也師南人膾魚以細縷金橙伴之號為金齏玉鱠

海螯江柱初脫

泉

厚海螯言鱓也江柱江搖柱也

臨風飽食甘寢罷一甌花乳浮輕圓

自從捨舟入東武

師密州即漢之瑯琊東武也

沃野便到桑麻川

子仁

按先生超然臺記云余自錢塘移守膠西釋舟楫之安而服車馬之勞去雕牆之美而蔽采椽之居背湖州之觀而行桑麻之野即此詩中意也蓋

其知密州時

翦毛胡羊大如馬誰記鹿角腥盤筵

子仁鹿角小魚也先

生詩嘗云聊將充鹿角

厨中蒸粟埋飯甕

子仁山東人埋肉於飯下而食之謂之飯甕

大杓更

取酸生涎

山東人喜食粟飯飲酸漿

拓羅銅碾棄不用脂麻白土

須盆研

師蜀人以脂麻白土煎茶

故人猶作舊眼看謂我好尚如

當年沙溪北苑強分別

在沙溪北苑俱出名茶

水脚一線爭誰

先清詩兩幅寄千里紫金百餅費萬錢吟哦烹噍

兩奇絕只恐偷乞煩封纏老妻稚子不知愛一半

已入薑鹽煎

師薑鹽煎茶亦蜀中風俗

人生所遇無不可南北嗜

好知誰賢死生禍福久不擇更論甘苦爭蚩妍知

君窮旅不自釋因詩寄謝聊相鐫

怡然以垂雲新茶見餉報以大龍團仍戲

作小詩

祖謙按圖經寶巖院天成二年錢氏建舊額垂雲治平二年改今額元豐中詩僧清順作垂雲亭先

生有贈清順新
作垂雲亭詩

妙供來香積珍烹具大官

俚勑厨所供
曰大官食

揀芽分雀舌

厚揀芽雀舌
皆嫩茶名

賜茗出龍團曉日雲菴暖春風浴殿寒

次公浴殿翰林學士事唐德宗雅上文學注
意是選嘗召對於浴堂門移院於金鑾殿

聊將試道眼莫作兩

般看

新茶送僉判程朝奉以饋其母有詩相謝

次韻答之

縫衣送與溧陽尉

次公孟郊為溧陽尉有游子吟云慈母手中
線游子身上衣臨行密密縫意恐遲遲歸

捨

肉懷歸潁谷封

續左傳鄭莊公寘母於城潁而誓之曰不及黃泉
無相見也既而悔之潁谷封人聞之有獻於公公

賜之食食捨肉公問之對曰小人有母
皆嘗小人之食未嘗君之美請以遺之

聞道平反供一笑

厚雋不
疑為京

兆尹行縣錄囚徒其母問不疑有所平反活幾何人不疑多有所平反
母喜笑飲食異於他時或無所出母怒不食故不疑為吏嚴而不殘

會

須難老待千鍾

次公詩永錫難老待千鍾則莊子載曾子之言曰吾及親仕三釜而心悅後仕三千鍾不泊吾心悲

火前試焙分新鞞

師川茶品要錄云茶事起於驚蟄前其初造曰試焙又曰火其次曰三火故市茶者唯伺出於

三火之前者為最佳

雪裏頭網輟賜龍從此升堂是兄弟

師後漢范式與

張邵為友式謂邵曰後二年當還將過拜君親邵具以白毋設酒饌俟之至期式果到升堂拜母

一甌林下記相逢

次韻曹輔寄壑源試焙新茶

堯卿輔字子方時為福建路轉運使

仙山靈雨濕行雲洗遍香肌粉未勻明月來投玉

川子

次公韓退之李花詩日光赤色照來好明月暫入都交加夜領張徹投盧仝乘雲共至玉皇家

清風吹破武

林春

子仁全詩七椀喫不得也惟覺兩腋習習清風生武林杭州山名

要知冰雪心腸好不

是膏油首面新

援南史齊帝賜公主首面者三十人堯卿造茶者以膏油塗之以欺不知茶者其父茶品要錄云沙

溪之園民或雜以松黃餠其首面試時雖鮮白而不能久子暈曰茶錄云茶色貴白而餅茶多以珍膏油其面善別茶者以肉理實潤者為重

戲

作小詩君一笑從來佳茗似佳人

和子由踏青

次公子由踏青詩序云眉之東門十數里有山曰墓頤山上有亭榭松竹山下臨大

江每正月八日士女相與遊嬉飲酒於其上謂之踏青也

春風陌上驚微塵游人初樂歲華新人閒正好路
傍飲麥短未怕游車輪城中居人厭城郭喧闐曉
出空四鄰歌鼓驚山艸木動簞瓢散埜鳥鳶馴何
人聚衆稱道人遮道賣符色怒嗔宜蠶使汝蠶如

甕

堯卿太平廣記曰園客者濟陰人嘗種五色香艸積十年報其實一日有五色蛾止其旁客收而蓄之至蠶時有女夜半至自稱客妻道

蠶之狀客與俱蠶得一百二十頭蠶皆如甕每綠一頭六十日乃盡遂俱仙又陸龜蒙詩云紅蠶綠枯葉青蠶大如龜

宜畜使汝

羊如麇

次公爾雅曰麇大羊而杜預奏事曰臣前在南聞魏興北山有野羊大者數千百斤試令求之牝牡各得一枚豈爾雅所謂

麇者乎麇與麇皆從鹿揆傍押韻

路人未必信此語強為買服襪新春

道人得錢徑沽酒醉倒自謂吾符神

十朋按成都古今記三月三日太守

七百四
出北門宴學射山蓋張百子以是日上升即此地也男現女巫會於此寫符篆以驚人云宜田蠶辟災疫佩者載者信以為然

和子由蠶市

次公子由詩序云眉之二月望日蠶器於市因作樂縱觀謂之蠶市

蜀人衣食常苦艱蜀人游樂不知還千人耕種萬

人食

續傳曰千人耕之萬人食之雖欲不飢民不可得也師後漢王符潛夫論浮侈篇云一夫耕之百人食之一婦桑之百人衣之以一

奉百駟能供之

一年辛苦一春閒

次公孔子謂子貢曰百日之蜡一日之澤非爾所知注云蜡之祭勞農以休息

之言民勤稼穡有百日之勞今一日飲酒燕樂君之恩澤也

閒時尚以蠶為市共忘辛苦

逐欣歡去年霜降斫秋荻今年箔積如連山破瓢

為輪土為釜爭買不翅金與紈

次公荻泊乃薦蠶之具瓢輪土釜乃縲絲之物爭買

三者以急於用所以甚於金紈也

憶昔與子皆童州

次公州音慣束髮之貌詩云總角州兮

年年

廢書走市觀

次公太史公言讀樂毅之報燕主書未嘗不廢書泣

市人爭誇鬪智巧

野人喑啞遭欺謾

次公退之詩厥罪在欺謾

詩來使我感舊事不悲

去國悲流年次公杜詩去國悲王粲

和蔡景繁海州石室堯卿名承禧與公同年登第今為淮南轉運使

芙蓉仙人舊游處堯卿石曼卿嘗通判海州以山嶺高峻人路不通了無花卉點綴映照使人以泥裹桃核為彈

拋擲於山嶺之上二歲間花發滿山爛如錦繡此一時事也歐陽文忠公歸田錄云石曼卿卒為仙人主芙蓉城

無路戲將桃核裹黃泥石間散擲如風雨坐令空

山出錦繡倚天照海花無數師金淵利術云懸崖峭壁人跡所不至處以黃泥裹桃李核如

彈丸擲其上經春即萌芽久之根株花實皆以暢茂花間石室可容車流蘇寶蓋窺

靈宇毛元英文昌錄流蘇五采錯雜而垂之摯虞決疑要注曰凡下垂為蘇何年霹靂起神物

玉棺飛出王喬墓任後漢王喬傳喬為葉令天降玉棺於堂前吏人推排終不搖動喬曰天帝獨召我邪乃沐浴

寢其中蓋便立覆宿昔葬於城東而土自成墳當時醉臥動千日俾博物志劉立石善飲或飲以千日酒歸不醒

以為醉死葬之與酒者往諭其家共發冢眎之至日忽醒而起無恙也至今石縫餘糟醕仙人一

去五十年花老室空誰作主手植數松今偃蓋蒼

髯白甲低瓊戶次公自首句至此皆以言石曼卿也我來取酒酌先生後

車仍載胡琴女一聲冰鐵散巖谷海為瀾翻松為

舞體仁傳燈錄乾闥婆王奏樂直得須彌震動大海騰波迦葉起舞爾來心賞復何人持節

中郎醉無伍次公此以言蔡景繁為使來海州也蔡邕嘗為左中郎將獨臨斷岬撫出日

師秦始皇造石橋欲渡海觀日出處紅波碧巘相吞吐徑尋我語覓餘聲

拄杖彭鏗叩銅鼓長篇小字遠相寄一唱三歎神

悽楚江風海雨入牙頰欽夫松陵詩集漁具詩序云江風海雨撼撼生牙頰間真世外漁者之才也

似聽石室胡琴語我今老病不出門海山巖洞知

何許門外桃花自開落牀頭酒甕生塵土前年開

閤放柳枝續白樂天既老乃錄家事會經費去長物妓有樊素者年二十餘綽綽有歌舞態善唱楊柳枝人多以曲名名之由

是名聞洛下籍在經費中將放之慘然泣下不忍去樂天愍默不能對遂作不能忘情吟矣公貼以開閣字則晉書王敦開後閣放出羣妾也今

年洗心叅佛祖夢中舊事時一笑坐覺俯仰成今

古願君不用刻此詩東海桑田真且莫援神仙傳麻姑謂王方平曰接

待以來已見東海三為桑田向到蓬萊水又淺於往日會時略半且豈將復為陵陸乎方平笑曰聖人皆言海中行復揚塵矣

次韻張甥棠美述志

名示夔

仲子甘心織屨避萬鍾淵明不甯折腰為五斗一
年鴻鴈識來往終日沐猴誰去取知甥詩意慕兩
君讀書要在存心久平生所談性命奧長棄不憂
金石朽我今已習鷺子定猶復晨朝怖頭走剗心
先擬射聲名不作羊鄒悲峴首雲梯兩矢集無方
我已中灰同墨守恐甥自是禹門鱗未可潛逃入

四三十二
蘇東坡言其治者一四
吾藪琢磨晚覺孟光賢畏我故言時被肘甥能鉏
我青門瓜正午時來休老手

答子勉三首

君不登郎省還應上諫坡才高殊未識歲晚幸無
他捩馬羸難出鄰雞凍不歌寒爐餘幾火灰裏撥
陰何

驚人得佳句或以傲王公處士還清節滑稽安足
雄深沉似康樂簡遠到安豐一點無俗氣相期林
下風

欲舞腰身柳一窠小梅摧拍大梅歌舞餘片片梨
花落爭奈當塗風物何

答海上翁

仙翁不復見新詩疑是河南石壁曦海水豈容鯨
飲盡燃犀何處覓瓊枝

官

次韻完夫再贈之什某已卜居毘陵與完
夫有廬里之約云

書

柳絮飛時筍箨斑風流二老對開關雪芽爲我求
陽羨乳水君應餉惠山竹簟涼風眠晝永玉堂制
艸落人間應容緩急煩閭里桑柘聊同十畝閑

走筆謝呂行甫惠子魚

臥沙細肋吾方厭通印長魚誰肯分好事東平貴
公子貴人不與與蘇君

三十三
答晁以道索書

閱世真難記如公自不忘其於書太簡正以嬾相
妨

西山詩和者三十餘人再次前韻爲謝

朱顏發過如春醅胸中梨棗初未栽丹砂未易掃
白髮赤松却欲叅黃梅寒溪本自遠公社白蓮翠
竹依崔嵬當時石泉照金像神光夜發如五臺飲
泉鑿面得真意坐視萬物皆浮埃欲收莫景返田
里遠潏江水窮離堆還朝豈獨羞老病自歎才盡
傾空壘諸公渠渠若夏屋吞吐風月清隅隈我如
廢井久不食古甃缺落生陰苔數詩往復相感發

汲新除舊寒光開遙知二月春江闊雪浪倒卷雲
峰摧石中無聲水亦靜云何解轉空山雷欲就諸
公評此句要識憂喜何從來願求南宗一勺水往
與屈賈湔餘哀

次韻謝子高讀淵明傳

枯木嵌空微黯淡古器雖在無古絃袖中正有南
風手誰爲聽之誰爲傳風流豈落正始後甲子不
數義熙前一山黃菊平生事無酒令人意缺然

魯直以詩饋雙井茶次韻爲謝

江夏無雙種奇茗汝陰六一誇新書磨成不敢付
僮僕自看雪湯生幾珠列仙之儒瘠不腴只有病

渴同相如明年我欲東南去畫舫何妨宿太湖田歸

錄州茶以雙井為第一畫舫宿太湖北渚貢茶故事

次韻魯直戲贈

昨夜試微涼汗衾初退紅我願偕秋風隨身入房
櫳君王不好事只作好驚鴻細看卷蠶尾我家真
粟蓬

謝曹子方惠新茶

陳植文華斗石高景公詩句復稱豪數奇不得封
龍額祿仕何妨有馬曹囊簡久藏科斗字劒鋒新
瑩鷓鴣膏南州山水能為助更有英辭勝廣騷

謝蘇自之惠酒

高士例須憐麴蘖此語嘗聞退之說我今有說殆
不然麴蘖未必高士憐醉者墜車莊生言全酒未
若全於天達人本自不虧缺何暇更求全處全景
山沈迷阮籍傲畢卓盜竊劉伶顛貪狂嗜怪無足
取世俗喜異矜其賢杜陵詩客尤可笑羅列八子
叅羣仙流涎露頂置不說爲問底處能逃禪我今
不飲非不飲心月皎皎長孤圓有時客至亦爲酌
琴雖未去聊忘絃吾宗先生有深意百里雙罌遠
將寄且言不飲固亦高舉世皆同吾獨異不如同
異兩俱冥得鹿亡羊等嬉戲決須飲此勿復辭何
用區區較醒醉

三十三
蘇東坡詩集卷十四
三
子佩
奉和成伯大雨中會客解嘲

樂事難并真實語坐排用意多乖誤興來取次或
成懽瓦鉤却勝黃金注我生禍患久不擇肯爲一
時風雨阻天公變化豈有常明月行看照歸路

次韻參寥寄少游

巖棲木石已皤然交舊何人慰眼前素與晝公心
印合每思秦子意珠圓當年步月來幽谷拄杖穿
雲冒夕煙臺閣山林本無異故應文字不離禪

次韻致遠

長笑右軍稱艸聖不如東野以詩鳴樂天自欲吟
淮月懷祖無勞聽角聲

謝都事惠米

平生忍慾今忍貧閉口逢人不少陳俸薄身輕趙
都事也能作意向詩人

次韻章子厚飛英留題

欸段曾陪馬少游而今人在鳳麟洲黃公酒肆如
重過杳杳白蘋天盡頭



余舊在錢塘伯固開西湖今方請越戲謂
固可復來開鏡湖伯固有詩因次韻

已分江湖送此生會稽行復得岑成鏡湖席卷八
百里坐嘯因君又得名

陳伯比和回字復次韻

百里馮生寧屑去湖海陳侯猶肯來詩書好在家
四壁蒲柳蕭然城一隈騎上下山亦疎矣僚從容
出何爲哉市橋十步即塵土晚雨瀟瀟殊未回

子美召公擇飲偶以病不及往公擇有詩

次韻

樊素阿蠻皆已出使君應作玉箏歌可憐病士西
窗下一夜丹田手自摩

謝惠猫兒頭筍

長沙一日煨籩筍鸚鵡洲前人未知走送煩公助
湯餅猫兒突兀鼠穿籬

觀子美病中作嗟歎不足因次韻

百尺長松澗下摧知君此意爲誰來霜枝半折孤
根出尚有狂風急雨催

次韻迴文三首

官

春機滿織迴文錦粉淚揮殘露井桐人遠寄情書
字小柳絲低日晚庭空

書

紅牋短寫空深恨錦句新翻欲斷腸風葉落殘驚
夢蝶戍邊回鴈寄情郎

五

羞雲斂慘傷春莫細縷詩成織意深頭伴枕屏山
掩恨日昏塵暗玉窗琴

浙

和迴文五首

紅窗小泣低聲怨永夕春寒斗帳空中酒落花飛

絮亂曉鶯啼破夢忽忽

同誰更倚閑窗繡落日紅扉小院深東復西流分
水嶺恨無愁續斷絃琴

寒信風飄霜葉黃冷燈殘月照空牀看君寄憶傳
文錦字字縈愁寫斷腸

前堂畫燭花凝淚半夜清香煙惹衾煙鎖竹枝寒
宿鳥水沈天色霽橫參

蛾翠斂時聞燕語淚珠彈處見鴻歸多情妾似風
花亂薄倖郎如露艸晞


蘇東坡詩集注卷第十四



浙江圖書館




浙江圖書館





東坡詩註

掃葉山房印行





浙江圖書館



Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color